

之事不自見者不自彰見其材能炫耀於物違理失常以招患也

義曰夫人不炫已能不彰已行故尚書曰惟不伐天下莫與汝爭功惟不矜天下莫與汝爭能但內照舍光周鑒四海固無可畏之事夫理身及此則功名顯而道德充也

自愛不自貴

注自知其身防所畏之事自愛其身無朕神之咎

不自見其能以犯患不自貴其身以聚怨也

疏聖人自保愛其身絕去嗜欲令神不歇身不自貴者不自矜貴其身凌虐於物以聚怨爾

義曰葆和谷神希言養氣絕嗜禁欲抑非損惡此自愛也輕裘肥馬甘食美衣華宇文階崇軒大厦自貴也自愛則神安心泰自貴則奉已害民傷財歛怨故曰有道之君以樂樂人無道之君以樂樂身樂人則

人從樂身則人叛也

故去彼取此

注去彼見貴取此知愛

疏去彼自見自貴取此自知自愛聖人得年等智了法性空理無去取開教引凡寓言之爾

言之爾

義曰自見者不明自貴者不長故貴以身為天下者可寄天下故聖人去之而不取

自知者明自愛者寧故曰愛以身為天下若可托天下言聖人內愛其神外愛其民

也高言者寄寓五言以教神俗言聖人非有去彼取此之行立理以勸人爾

也高言者寄寓五言以教神俗言聖人非有去彼取此之行立理以勸人爾

道德真經廣聖義卷之四十六

道德真經廣聖義卷之四十七

行十

唐廣成先生杜光庭述

勇於敢章第七十三

疏前章明遠去威此章明勇敢之為或殺身之咎初探敢與不取利害之殊次明天恩錄

義曰前明去見貴之外行取如愛之內修此乃勸勇退以謹身或勇退以傷德用明利害遠復謀柔示以天網憐之體察然操以死懼之

全義司殺之咎

勇於敢則殺勇於不取則活

注敢謂果敢言人勇於果敢從事失於謙

柔退讓必害於身故云則殺不取者則可以理身矣

疏剛決為勇必果為敢言強梁之人無所畏忌失於謙柔決於果敢犯上作亂者則

是殺身之道也故云勇於敢則殺勇於不

敢則活者人若於事靜慎歛身知退所決

在於不敢強梁犯患則是活身之道也故云勇於不敢則活

義曰強梁者銳志而前自投禍患謙慎者

奉身而退必保安真殺活二途昭然可驗

矣犯上作亂者論語學而篇云不好犯上而好作亂者未之有也言強梁之人干犯已之上者而孝悌之人必恭順好欲犯其上者少也

知此兩者或利或害

疏兩者敢與不敵也言人能知勇敢則敢而有害不敢則活而有利當須勇於不敢此兩者在勇雖同所施則異故云或利或害

義曰剛決於心俱謂之勇勇強梁而進則害至勇謙柔而退則利來利來則生害至則死生死起乎心感利害歸乎妄情若能勇退保身謙光約修道之要也雖妄情所起而言凶利害不常故皆云或爾天之所惡孰知其故

注兩者敢與不敵或有也能知不敵者有利敢者有害當須勇於不敢此勇敢之人動有災害天之所惡孰能知其故哉疏孰誰也故猶竟故也勇敢於有為之人動則有害乃天道之所惡而代俗之人誰

能知其意故者乎

義曰天之道惡殺而好生惡惡而好善勇於進則有殃而必殺勇於退則有利而必生自然而然豈知其故此戒人當勇於謙退以保其生也夫王赫斯怒以整其旅此文王之勇以安天下也逸書曰惟我在天下曷敢有越厥志此武王之勇亦以安天下也匹夫勇敢傷於人而喪其身何足貴乎

是以聖人猶難之

注聖人猶難為勇敢之事疏此舉聖以勵凡也夫以聖人之明猶難於勇敢懼其為害況於凡人欲為勇敢焉得無害乎

義曰聖人不為勇敢之事此約聖人以戒代人爾言聖人尚慮有害不為此勇敢強梁之事況於凡俗乎此愛人之心戒之至矣

天之道不爭而善勝注此下言天道謙虛以戒人事勇敢天不

與物爭四時盈虛物無違者故善於勝

疏因上言天之所惡故此下四句廣明天道謙虛以戒人事勇敢人懷勝勇所以有爭天道平施唯善是與物莫之違故云善勝

義曰天道任於自然因無勝負四時代謝不令而行六氣推遷不言而信物不違天則為善勝也惟善是與者此經第四十三章云天道無親常與善人也天道平施者易謙卦云君子以裒多益寡稱物平施是也

不言而善應

注天何言哉福善禍淫言凶感應故曰應也疏天何言哉但福善禍淫言凶感應故曰不言而善應也

義曰天無言而四時行地無言而萬物生得時而興感物而應此自然之理也西昇經曰為善善氣至為惡惡氣至自然之勢影響不差也福善禍淫者尚書湯誥曰福

善禍淫言國之政教人之所修有善有惡善者天福之惡者天禍之天降譴以告之請見以警之而不寤者禍乃及之此吉凶所應人所召也

不召而自來

注天道不乃物使從已物不能違自來順天爾

疏凡物之來皆由命召今天不召於物而使從已而萬物自來而順之則負陰抱陽春生夏長皆非召而來也

義曰春秋左傳曰禍福無門惟人所召為惡召禍為善致福理之常也今言天道不言而自應不召而自來言萬物自順於天也負陰抱陽者此經第五章之詞也

繹然而善謀

注天道玄遠繹然寬大垂象示變人可則之故云善謀也

義曰天道運四時垂曆象循環順氣以示於人曆象不愆其常四時不爽其應寒暑晦明罔有差忒此寬綬而善謀繹寬大也

緩也謀度也曆數也象法也變星辰差忒也天以運度之數垂文之象顯示於人聖人則天象而立教化故禮經序曰昔在唐堯曆象日月敬授人時是也

天網恢恢疏而不失

注天之網羅雖恢恢疎遠刑法實善毫分不失

疏恢恢寬大也此覆釋上天道等義也天道網羅雖復寬大而且遠賞善罰惡不失分毫也

義曰古人結繩為網為羅以捕飛走之物網取其籠罩廣大之義也天道以吉凶之應陰陽之數善惡之報以平籠萬物物在其中無所逃隱為善善報之為惡惡報之故謂之天網天道無傷於物是故網羅籠罩掩覆於物乎此約體為喻爾夫天以氣稟之於物物則受氣於天生形於地是則天地為萬物之本物之善惡生死皆受命於天天無網羅機械以制於物但恢恢廣遠無不包容飛行動植風雲氣象陰陽寒

暑晝夜生死皆在包羅之內無所逃失故若網之所籠爾其氣之所應時之所推曆數昭然不差毫末毫者毛之細者也分者數之微者也天網所羅微細無隱矣

民常不畏死章第七十四

為自成殺身之咎此章明有為則輕死必犯司殺之誅首五句陳戒用刑

次一句指明司殺後四句舉刑到代較必有德答○義曰夫實善以德罰惡以刑備寒暑以無私譬陰陽之必應此天之道也人君無為御極民知自勤之方有道修身天賜無疆之壽本矣素分必享大年在手更慎於心戒懼於禍不獨於身之禍豈懼於心之殃於國則寬宥用刑表於察獄不

施代殺之法必無傷乎之非不行代斷之權必無傷和之怨然後去厚歛有為之事備不乎勇退之規以繼前後章之大旨攝於人也

民常不畏死奈何以死懼之

注縱放情欲動之死地習以為常曾無畏者人君當以清靜化之奈何更立法以誅殺恐懼之手

疏言人不能守道清靜而放縱情欲動之死地積習為常曾無畏者人君當以清靜為化而教導之奈何更以刑法誅殺而恐懼之

義曰人君雖懸象順天垂法御極在於開物成務用道教人若民侮法亂常冒刑于禁自投于網不慎其身亦當悟之以革慮洗心捨惡從善使其悛省許以自新不當遽用五刑不開三面此恐失於慈恕也

若使民常畏死而為奇者吾得執而殺之孰敢

注若使代人皆從清靜之化不敢溺情縱欲常畏於死而有獨為奇詐者假令吾勢得執殺此奇詐之人孰敢即殺故下文云疏此明人君化以無為而人皆少欲各全其生常畏於死而獨有為於奇詐不善之行者適令吾勢得執而殺之亦誰敢即殺所以不殺為自有天網司殺之也故下文云

義曰既以慈恕教人人知其教謹身畏法潔行修生盡祛欲情俱畏於死而或獨有肆懷從欲干法犯刑人君亦當戒以自新使之悔過而開道之若之若迷而不返者亦不遽執而殺之以俟天之司殺此所以

示其善誘也
常有司殺者殺

注如此奇詐之人天網不失是常有天之司殺者殺之

疏司主也天鑒孔明無所不察奇詐之人不得其死是有天之司殺者殺之矣

義曰天之養人也厚矣愛人也至矣南宮丹籙賞善而司生北宮黑簿紀過而主死天地萬神司察善惡以懲以勸俾其革惡而遷善也故有功者延年有罪者奪算毫

分無失如陽官之考校焉天有司命四司之星在虛危之間人星之側以司於人司命二星主人之功過年壽賞奪司律二星主人之祿秩衣食司危二星主人之僑佚不正司非二星主人之邪忒多私此四星者三元經所謂天之司殺也糾察罪福使世人知修善戒惡焉人君以善教人勳懷慈恕其獨不善者天之司殺當自殺之言天之照鑒甚明無有不察天網寬大疎而不漏違天反道何逃其辜孔甚也

夫代司殺者殺是謂代大匠斲

注人君好自執殺必不得天理猶如拙夫代大匠斲木矣

疏言不善之人司殺自殺人君若勢得執殺而使殺之是代殺者殺人不得天理猶如拙夫代大匠斲木矣

義曰設有不善之人必俟天之所殺人君執而便殺是代天殺之權下矣哀矜上率天理若拙夫代大匠斲木所失當如下文代大匠斲希有不傷其手矣

注拙夫代斲豈但傷材亦自傷其手人君任刑代彼司殺豈唯殘害百姓抑亦自喪天和

疏大匠斲木動合方圓拙夫代之必失繩約惡得不損其材而傷其手乎天網不失神理昭明人君任刑代彼司殺惡得不害其人而喪天和乎奈何以死懼之斯之謂也

義曰大匠之巧也運斤成風所斲無失拙夫代斲材手俱傷亦猶人君執得不善之

人輕肆刑殺雖云用鉞實慮傷和故首文之意有不畏死者當閉之以善教之以道豈得以死而懼之乎尚書曰與其殺不辜寧失不經好生之德洽于民心是也

道德真經廣聖義卷之四十七

道德真經廣聖義卷之四十八 行上

唐廣成先生杜光庭述

民之饑章第七十五 疏前章明有為殺之誅此章明厚賦則人貧是必犯司為之弊初三段通明所以為弊夫有下結數令其責生○義曰致理者何道德為本任道則無為澄靜用德則有和寧素一音而不為情十家而為念以倫以約俗人卑堂奈何乘缺無厭欲求其已力耕而履歎女勤織而身寒若使有為使其輕死一五於此大何痛哉惟能不厚其生各全其分天和不喪是曰責生示以柔得堅強併體之而齊聯爾

民之饑以其上食稅之多是以饑

注天下之所以饑乏不足以其君上食用賦稅之太多故爾

疏夫人國之本也若政煩賦重而人貧之則國本斯弊弊則危矣是以下人不足由君上食用賦稅之太多是以令其饑乏爾

義曰立法垂憲古有明文食也充君之庖稅也輸國之賦什一之稅務在其輕賦重則人貧賦輕則人足人足則國泰人貧則國危理在酌中法無太酷所以鑄刑書而物怨作兵賦而邦貧齊侯以重斂致亡田

行十一

氏以厚施成霸然在目居之鑒焉 民之難治以其上之有為是以難治

注天下之人所以難化者以其君上之有為有為則多難多難則詐興是以難理

疏蓋爾蒼生資君以理為理之本諒在無為故我無為而人自化今人所以難理者由君上之有為有為則政煩而人擾動生大偽是以難理

義曰君之理人本乎清靜不作無益之事不興無用之功不矜威武之能不尚滂奢

之巧無為自化恬澹居先則詐偽不生禍亂不作法作而去之殺人作誓而民始叛周人作盟而人始疑今其外施威武有執運之勞內事淫奢有誅求之苦上有玉食繁華之狀下有糟糠不足之悲網密令苛求理難矣

行十二

人之輕死以其求生之厚是以輕死

注天下之人所以輕死者以其違分求生太厚之故是以輕死

疏人之所以輕入死地喪其生者皆以其